



საქართველოს კონტროლის პალატა

საქართველოს კონტროლის პალატის თანამშრომელთა ჯანმრთელობის დაზღვევის მომსახურების გამარტივებული ელექტრონული ტენდერის საშუალებით შესყიდვის

სატენდერო დოკუმენტაცია

ქ. თბილისი

2011 წელი

სარჩევი

1.	ინსტრუქცია ტენდერში მონაწილეთათვის	3
2.	საკვალიფიკაციო მოთხოვნები	6
3.	ტექნიკური დოკუმენტაცია	7
4.	ტექნიკური და ხარისხობრივი მახასიათებლები	8
5.	სახელმწიფო შესყიდვის შესახებ ხელშეკრულების პროექტი	15
5.	დამატებითი ინფორმაცია	19
6.	დანართი N1 აფიდავიტის საილუსტრაციო ფორმა	20
7.	დანართი N2	21
8.	დანართი N3 საბანკო გარანტიის ფორმა	22
9.	დანართი N4	23

1. ინსტრუქცია ტენდერში მონაწილეთათვის

1.1. სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონის, სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2. სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარო გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით). აფიდავიტის საილუსტრაციო ფორმა იხ. დანართ№1.

1.3 ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4. სატენდერო წინადადების უზრუნველყოფის ელექტრონული გარანტია უნდა იქნას წარმოდგენილი სატენდერო განცხადებაში მითითებული სავარაუდო ღირებულების 1%-ის ოდენობით, ტენდერში მონაწილეობის საფასური შეადგენს 50 ლარს.

1.5. ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების დროებითი ტექნიკური გაუმართაობის შემთხვევაში, ელექტრონული გარანტიის წარდგენა და საფასურის გადახდა ყოველ კონკრეტულ ტენდერში შესაძლებელია განხორციელდეს სისტემის გამოყენების გარეშე.

1.6 ამ ინსტრუქციის 1.5 პუნქტით გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და შესაბამისად, ტენდერში მონაწილეობის შესაძლებლობა.

1.7 ელექტრონული გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს.

1.8. მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება.

1.9. სატენდერო წინადადება შედგება სატენდერო წინადადების ფასისაგან და ტექნიკური დოკუმენტაციისგან.

1.10 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.11 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.12 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.13. ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.14. ბიჯი არის სატენდერო წინადადების ფასის კლების წინასაწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.15. დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.16. დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.17. მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.18. იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.19. თუ პრეტენდენტის მიერ წარმოდგენილი ტექნიკური დოკუმენტაცია არ შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი მას განუსაზღვრავს არაუმეტეს 3 დღისა ტექნიკური დოკუმენტაციის დაზუსტებისათვის. დაუშვებელია ტექნიკური დოკუმენტაციის ისეთი დაზუსტება, რომელიც გამოიწვევს სატენდერო წინადადების არსებით ცვლილებას და მოახდენს გავლენას წინადადების ფასზე.

1.20. თუ პრეტენდენტის სატენდერო წინადადება შეესაბამება სატენდერო განცხადებისა და სატენდერო დოკუმენტაციის მოთხოვნებს, შემსყიდველი ორგანიზაცია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით.

1.21. იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან არაუგვიანეს 5 სამუშაო დღისა, შემსყიდველი დებს მასთან სახელმწიფო შესყიდვების შესახებ ხელშეკრულებას.

1.22. პრეტენდენტის დისკვალიფიკაცია ხდება შემდეგ შემთხვევებში:

ა) პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტების წარმოუდგენლობის ან/ და ხარვეზის მქონე მონაცემების წარმოდგენისას.

ბ) თუ პრეტენდენტი უარს აცხადებს მის მიერ წარმოდგენილ სატენდერო წინადადებაზე;

გ) თუ საუკეთესო ფასის მქონე პრეტენდენტის სატენდერო წინადადება ან/და საკვალიფიკაციო

მონაცემები არ შეესაბამება (მათ შორის, ტექნიკური დოკუმენტაციის დაზუსტების შემდეგ)

სატენდერო განცხადებისა და სატენდერო დოკუმენტაციის მოთხოვნებს;

დ) თუ გამარჯვებული პრეტენდენტი უარს განაცხადებს ხელშეკრულების დადებაზე ან ვერ წარმოადგენს ხელშეკრულების შესრულების უზრუნველყოფის გარანტიას (ასეთი გარანტიის არსებობის შემთხვევაში) კანონმდებლობით გათვალისწინებულ ვადაში;

ე) პრეტენდენტის მიერ არაკეთილსინდისიერი ქმედების განხორციელებისას.

1.23 ამ ინსტრუქციის 1.2.2 ქვეპუნქტით გათვალისწინებულ შემთხვევებში, შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.24. ტენდერის ჩატარებისას, სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ქ“, „რ“ და „ტ“ ქვეპუნქტებით გათვალისწინებული ეტაპის შემდეგ ელექტრონული გარანტია უბრუნდება პრეტენდენტს, გარდა იმ შემთხვევებისა, როდესაც:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ) პრეტენდენტი დისკვალიფიცირებულია ამ წესის მე-13 მუხლის მე-2 პუნქტის „ბ“, „გ“, „ე“- „ზ“ ქვეპუნქტების შესაბამისად.

დ) პრეტენდენტი დისკვალიფიცირებულია საკვალიფიკაციო მონაცემების დამადასტურებელი დოკუმენტების წარმოდგენლობის ან/და ხარვეზის მქონე საკვალიფიკაციო მონაცემების და მადასტურებელი დოკუმენტების წარმოდგენის შემთხვევაში.

1.25. იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.24 პუნქტით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.26. ელექტრონული ტენდერის შეწყვეტა:

ა) სატენდერო კომისიას უფლება აქვს შეწყვიტოს ტენდერი თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/ და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს გამარტივებული ელექტრონული ტენდერისა და ელექტრონული ტენდერის შემთხვევებში ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.27. ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილი იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.28. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.29. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედასმული უნდა იყოს უფლებამოსილი პირის მიერ.

1.30. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.31. პრეტენდენტს არა აქვს უფლება წარმოადგინოს ალტერნატიული წინადადება.

2 საკვალიფიკაციო მოთხოვნები:

2.1. საკვალიფიკაციო მოთხოვნების თანახმად, პრედენდენტმა უნდა წარმოადგინოს შემდეგი დოკუმენტები:

2.1.1 იურიდიული პირებისათვის:

- ა) ცნობა, მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;
- ბ) ცნობა საქართველოს საჯარო რეესტრის ეროვნული სააგენტოდან, იურიდიული პირის ქონებაზე საჯაროსამართლებრივი შეზღუდვის (ყადაღის) არარსებობის შესახებ.
- გ) ცნობა საგადასახადო ორგანოდან, ბიუჯეტის წინაშე დავალიანების არარსებობის შესახებ.

2.1.2. ფიზიკური პირებისათვის:

- ა) ნასამართლობის შესახებ ცნობა შესაბამისად უფლებამოსილი ორგანოდან, რომლითაც დასტურდება, რომ პირი არ არის ნასამართლეს.
- ბ) პირადობის მოწმობის ან პასპორტის ასლი;
- გ) ცნობა საგადასახადო ორგანოდან, ბიუჯეტის წინაშე დავალიანების არარსებობის შესახებ.

2.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს:

- ა) გამარტივებული ელექტრონული ტენდერის შემთხვევაში – სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე - 2 მუხლის პირველი პუნქტის „კ“ ქვეპუნქტის გათვალისწინებული ეტაპის შემდეგ“.
- ბ) ელექტრონული ტენდერის შემთხვევაში- სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

2.3. ამ პუნქტის 2.2. ქვეპუნქტით გათვალისწინებული ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიალურად დამოწმებული ასლები წარმოდგენილი უნდა იქნას შემსყიდველ ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრედენტებმა უნდა წამოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული სკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიალურად დამოწმებული თარგმანი ქართულ ენაზე.

2.4. პრეტენდენტის მიერ საკვალიფიკაციო მონაცემების წარმოდგენა შემსყიდველ ორგანიზაციაში ხორციელდება სისტემის გამოყენების გარეშე, საქართველოს კანონმდებლობით დადგენილი ფორმით. პრეტენდენტის მიერ საკვალიფიკაციო მონაცემების წარმოდგენლობის ან/და ხარვეზის მქონე მონაცემების წარმოდგენის შემთხვევაში, სატენდერო კომისია მოახდინოს ამ პრეტენდენტის დისკვალიფიკაციას.

2.5. პრეტენდენტმა უნდა წარმოადგინოს რეკვიზიტები, სატენდერო წინადადების ფასი, ხელშეკრულების უზრუნველყოფის საბანკო გარანტიის ოდენობა და სატენდერო წინადადების მოქმედების ვადა დანართი №2-ის მიხედვით.

შენიშვნა: პრეტენდენტის მიერ სატენდერო წინადადებით წარმოდგენილი საკვალიფიკაციო მონაცემები შემდგომ დაზუსტებას არ ექვემდებარება.

2.6. ხელშეკრულების უზრუნველყოფის საბანკო გარანტია :

2.6.1 ტენდერში გამოყენებულ იქნება ხელშეკრულების უზრუნველყოფის საბანკო გარანტია, ხელშეკრულების საერთო ღირებულების 2%-ის ოდენობით, დანართი №3-ის მიხედვით.

2.6.2. ხელშეკრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღემატებოდეს მოწოდების ვადას.

2.7. ხელშეკრულების უზრუნველყოფის საბანკო გარანტია :

2.7.1 ტენდერში გამოყენებულ იქნება ხელშეკრულების უზრუნველყოფის საბანკო გარანტია, ხელშეკრულების საერთო ღირებულების 2%-ის ოდენობით, დანართი №3-ის მ იხედვით.

2.7.2. ხელშეკრულების უზრუნველყოფის საბანკო გარანტიის მოქმედების ვადა 30 კალენდარული დღით უნდა აღემატებოდეს ხელშეკრულებით გათვალისწინებული მომსახურების გაწევის ვადას.

2.8. გასაწევი მომსახურების ტექნიკური დავალება:

2.8.1. შესყიდვის საგანია: საქართველოს კონტროლის პალატის 250 თანამშრომლისათვის წლიური ჯანმრთელების დაზღვევის მომსახურება.

2.8.2. შესყიდული მომსახურება უნდა აკმაყოფილებდეს ამ დოკუმენტაციაში ჩამოთვლილ ტექნიკურ და ხარისხობრივ მაჩვენებლებს

2.8.3. 250 თანამშრომლის დაზღვევის სახელმწიფო შესყიდვის მთლიანი სავარაუდო ფასია 155 000 (ასორმოცდათხუთმეტი ათასი) ლარი, თანამშრომლის საგადასახადო კოდექსით გათვალისწინებული საშემოსავლო გადასახადი არ არის გათვალისწინებული მომსახურების შესყიდვის სავარაუდო ღირებულებაში.

2.8.4 ანგარიშსწორების პირობები:

2.8.5 სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მოწოდებასთან დაკავშირებული ყველა გადასახადის გათვალისწინებით.

2.8.6 ანგარიშსწორება მოხდება უნაღდო ანგარიშსწორებით ლარში, ფაქტიურად დაზღვეული თანამშრომლების ოდენობის მიხედვით (დაზღვევის პოლისების შესაბამისად).

2.8.7 ანგარიშსწორება მოხდება ეტაპობრივად, მიღება-ჩაბარების აქტის გაფორმებიდან და მზღვეველის მიერ წარმოდგენილი მომსახურების ღირებულების ამსახველი დოკუმენტის წარმოდგენიდან არაუგვიანეს 20 სამუშაო დღის განმავლობაში.

2.8.8. წინასწარი ანგარიშსწორება (ავანსი) არ გამოიყენება.

2.9. შესყიდვის ობიექტის ტექნიკური და ხარისხობრივი მაჩვენებლები.

2.9.1.. საქართველოს კონტროლის პალატის მიერ შესყიდული ჯანმრთელობის დაზღვევის პაკეტის პირობები უნდა ვრცელდებოდეს ყველა თანამშრომელზე (ასაკის შეუზღუდავად), არ უნდა იყოს ქვემოთ მოცემულ ტექნიკურ და ხარისხობრივ მაჩვენებლებზე უარესი და უნდა ვრცელდებოდეს დაზღვევამდე არსებულ დაავადებებზეც:

მომსახურების სახეები	%	ლიმიტი
24 საათიანი სატელეფონო,საინფორმაციო-საკონსულტაციო საორგანიზაციო მომსახურება	100%	ულიმიტო
პირადი ექიმის მომსახურება (დამატებითი მომსახურება)	100%	ულიმიტო
სტაციონარული მომსახურება	100%	25,000 ლარი
ორსულობა	100%	2 000 ლარი
მშობიარობა	100%	1,200 ლარი
გადაუდებელი ამბულატორიული მომსახურება	100%	ულიმიტო
გეგმიური გადაუდებელი ამბულატორიული მომსახურება	100%	5,000 ლარი
ამბულატორული მომსახურება ქრონიკური დაავადების გამწვავების პერიოდში	100%	1,000 ლარი
მედიკამენტები (რეცეპტის გარეშე)	100%	100 ლარი
მედიკამენტები (ექიმის მიერ დანიშნული)	100%	2,000 ლარი
ქრონიკულად მიმდინარე დაავადების ამბულატორული მომსახურება და მედიკამენტოზური მკურნალობის ხარჯები	100%	1,000 ლარი
სასწრაფო სამედიცინო დახმარება	100%	ულიმიტო
პროფილაქტიკური გამოკვლევები	100%	წელიწადში 2-ჯერ
გადაუდებელი სტომატოლოგია	100%	ულიმიტო
თერაპიული სტომატოლოგია	100%	2,000 ლარი
ორთოპედიული/ორთოდონტიული სტომატოლოგია	20%	ულიმიტო
მანუალური თერაპია და სამედიცინო მასაჟი	35%	ულიმიტო
სამოგზაურო დაზღვევა	შეუზღუდავი	50,000 ევრო
სიცოცხლის დაზღვევა	25,000 ლარი	

2.9.2 ცხრილებში გაწერილი თითოეული სამედიცინო მომსახურება გულისხმობს შემდეგს:

24 საათიანი სატელეფონო-საინფორმაციო-საკონსულტაციო საორგანიზაციო მომსახურება

ითვალისწინებს სადღეღამისო სატელეფონო-საინფორმაციო, საორგანიზაციო კონსულტაციებს ჯანმრთელობის მდგომარეობასთან დაკავშირებული ნებისმიერი საკითხის ან პრობლემის წარმოქმნისას. ამ დროს დაზღვეულს საშუალება ეძლევა მიიღოს სრული და ოპერატიული ინფორმაცია სადაზღვევო პროგრამის, სამედიცინო მომსახურების ორგანიზებისა და კოორდინირების შესახებ. აღნიშნული გულისხმობს დაზღვეულის ჰოსპიტალური და ამბულატორიული მკურნალობის საჭიროების შემთხვევაში, როგორც მკურნალობის პროცესზე და ხარისხზე, ასევე სამედიცინო და ფინანსურ დოკუმენტაციაზე ზედამხედველობის უზრუნველყოფას;

პირადი ექიმის მომსახურება:

აღნიშნული ითვალისწინებს: მხოლოდ საჭიროების და დაზღვეულის სურვილის შემთხვევაში, პირადი ექიმის კონსულტაციებს, ექიმის ვიზიტს ბინაზე; დაზღვეულის ჯანმრთელობის მდგომარეობის მონიტორინგს და ავადმყოფობის ისტორიის შექმნას; საჭიროების შემთხვევაში, დამატებითი სპეციალისტების მოწვევას და კონსილიუმის ორგანიზებას; სამედიცინო რეკომენდაციებს ჯანსაღი ცხოვრების წესის დამკვიდრებისთვის.

სტაციონარული სამედიცინო მომსახურების ხარჯები:

ითვალისწინებს საქართველოს ტერიტორიაზე არსებულ ნებისმიერ ლიცენზირებულ საავადმყოფოში შესაბამისი სამედიცინო ჩვენების არსებობისას, სამედიცინო მომსახურებას დაზღვეულის 24 სთ-ზე მეტი ხნით განთავსების შემთხვევაში. აღნიშნული მოიცავს როგორც გადაუდებელი, ასევე გეგმიური ჰოსპიტალური მომსახურებისას სამკურნალო-დიაგნოსტიკური, ლაბორატორიული და ინსტრუმენტული გამოკვლევების გარანტირებული მოცულობის უზრუნველყოფას. მათ შორის სათანადო ქირურგიული და კონსერვატიული მკურნალობის, მოვლის, სამედიცინო მანიპულაციების, დანიშნული მედიკამენტების და ყველა სხვა აუცილებელი ღონისძიებების ხარჯების ანაზღაურებას (პალატა, კვება) სადაზღვევო პროგრამით განსაზღვრული ლიმიტის ფარგლებში;

სტაციონარული მომსახურება მოიცავს ასევე კრიტიკული დაავადებების მკურნალობის ხარჯებსაც, მათ შორის:

- ✓ გულ-სისხლძარღვთა სისტემის დაავადებების მკურნალობა;
- ✓ მიოკარდიუმის ინფარქტის დიაგნოსტიკა და მკურნალობა;
- ✓ ონკოლოგიური დაავადებების ქირურგიული და თერაპიული მკურნალობის ხარჯები;
- ✓ თავის ტვინის სიმსივნეების მკურნალობა;
- ✓ კომატოზური მდგომარეობის მკურნალობა;
- ✓ იშემიური და ჰემორაგიული ინსულტების მკურნალობა;
- ✓ გაფანტული სკლეროზის მკურნალობა;
- ✓ ალცჰეიმერის დაავადების და პარკინსონის დაავადების მკურნალობის ხარჯები;
- ✓ მკურნალობა მხედველობისა და სმენის სრული დაკარგვისას;
- ✓ ძლიერი დამწვრობის მკურნალობის ხარჯები;

ორსულობის ხარჯები:

აღნიშნული მოიცავს ორსულობის მონიტორინგს და მხოლოდ ორსულობასთან დაკავშირებულ, შესაბამისი სამედიცინო ჩვენებით, ნებისმიერ ლაბორატორიულ-ინსტრუმენტულ კვლევებს, გინეკოლოგიის კონსულტაციებსა და მედიკამენტოზურ მკურნალობას ორსულობის მთელი პერიოდის განმავლობაში.

მშობიარობის ხარჯები;

აღნიშნული მოიცავს მშობიარობას (ფიზიოლოგიური მშობიარობა, საკეისრო კვეთა) ნებისმიერ ლიცენზირებულ სამშობიარო სახლში საქართველოს ტერიტორიაზე.

ამბულატორიული მომსახურების ხარჯები;

ითვალისწინებს შესაბამისი სამედიცინო ჩვენებით სამედიცინო მომსახურებას საქართველოს ტერიტორიაზე არსებულ ნებისმიერ ლიცენზირებულ სამედიცინო დაწესებულებაში. აღნიშნული მოიცავს როგორც გადაუდებელი, ასევე გეგმიური ამბულატორიული მომსახურების შემთხვევაში სხადასხვა პროფილის ექიმ-სპეციალისტების კონსულტაციების, სამედიცინო მანიპულაციების და ლაბორატორიული-ინსტრუმენტული გამოკვლევების ხარჯების ანაზღაურებას

მათ შორის:

გეგმიური ამბულატორიული მომსახურება – ითვალისწინებს სამედიცინო ჩვენებისას დანიშნული ამბულატორიული მომსახურების (კლინიკური, ინსტრუმენტული, ლაბორატორიული გამოკვლევების და ამბულატორიული მანიპულაციების) ხარჯების ანაზღაურებას.

გადაუდებელი ამბულატორიული მომსახურება – ითვალისწინებს მწვავე ტრავმების შემთხვევაში ამბულატორიული მომსახურების ლაბორატორიული გამოკვლევებისა და ამბულატორიული მანიპულაციების) ხარჯების ანაზღაურებას.

ამბულატორიულ მომსახურებას ქრონიკული დაავადების გამწვავების პერიოდში, რაც გულისხმობს ექიმის კონსულტაციას, დაავადების გამწვავების დიაგნოსტიკას, მანიპულაციებს და მკურნალობის შემდგომ საკონტროლო ლაბორატორიულ-ინსტრუმენტულ კვლევებს;

მედიკამენტოზური მკურნალობის ხარჯები (მედიკამენტები):

ექიმის დანიშნულების გარეშე, ან სამედიცინო მომსახურებისას, შესაბამისი სამედიცინო ჩვენებით, ექიმის მიერ დანიშნული მედიკამენტების ხარჯების ანაზღაურება.

ქრონიკული დაავადების გამწვავების პერიოდში მედიკამენტოზური მკურნალობის ხარჯების ანაზღაურება გულისხმობს მკურნალობის 2 კვირიანი კურსს.

სასწრაფო სამედიცინო დახმარების ხარჯები;

აღნიშნული ითვალისწინებს საქართველოს ტერიტორიაზე არსებული ნებისმიერი ლიცენზირებული სასწრაფო სამედიცინო დახმარების ბრიგადის მომსახურებას; საჭიროების შემთხვევაში, უფასო ტრანსპორტირებას საქართველოს ტერიტორიაზე; შემთხვევის ადგილზე გადაუდებელი სამედიცინო დახმარების გაწევა; რეანიმაციის მომსახურება საქართველოს ნებისმიერ რეგიონში;

პროფილაქტიკური გამოკვლევები

აღნიშნული მოიცავს ნებისმიერ ლიცენზირებულ სამედიცინო დაწესებულებაში, თერაპევტის კონსულტაციას; სისხლის საერთო ანალიზი; შარდის საერთო ანალიზი; პროთრომბინის განსაზღვრას სისხლში; გლუკოზის განსაზღვრა სისხლში, მუცლისა და გულმკერდის ღრუს ორგანოების ექსოსკოპიური გამოკვლევა, ხოლო საჭიროების შემთხვევაში ექიმის დანიშნულებით: ეკგ; რენტგენოგრაფია.

სტომატოლოგიური მომსახურება:

გადაუდებელი სტომატოლოგია– ითვალისწინებს მწვავე ტკივილის მოხსნასა და კბილის ექსტრაქციას,

გეგმიური, თერაპიული სტომატოლოგიური მომსახურება: ყველა სახის თერაპიული და ქირურგიული მკურნალობის

ხარჯებს, სტომატოლოგიის კონსულტაცია, დიაგნოსტიკური რეტგენოგრაფია, კბილის დაბეჭენა, გაწმენდა და თერაპიული მკურნალობა, პირის ღრუს ლორწოვანი გარსის დაავადებების მკურნალობა,

ორთოდონტიული სტომატოლოგია – ითვალისწინებს კბილების თანკბილვის გასწორებასთან დაკავშირებული ხარჯების ანაზღაურებას მზღვეველის მიერ მითითებულ სტომატოლოგიურ კლინიკაში

ორთოპედიული სტომატოლოგია – ითვალისწინებს კბილების დაზიანებული ნაწილის აღდგენასა და მეტალოკერამიკის ღირებულების ანაზღაურებას მზღვეველის მიერ მითითებულ სტომატოლოგიურ კლინიკაში.

მანუალური თერაპია და სამედიცინო მასაჟი – ითვალისწინებს ექიმ -რეაბილიტოლოგის მიერ დანიშნული მანუალური თერაპიისა, სამედიცინო მასაჟის და ჰიდროთერაპიის ღირებულების ანაზღაურებას.

სამოგზაურო დაზღვევა - ითვალისწინებს თანამშრომლის საქართველოს ფარგლებს გარეთ შესაბამისი სამედიცინო ჩვენებისას, სამოგზაურო დაზღვევის პოლისის გაცემას.

სამოგზაურო დაზღვევა (ვრცელდება თანამშრომლებზე) – ითვალისწინებს საზღვარგარეთ მოგზაურობისას გადაუდებელი სამედიცინო მომსახურების ხარჯების ანაზღაურებას კომპანიის სამოგზაურო დაზღვევის სტანდარტული პირობების შესაბამისად.

სიცოცხლის დაზღვევა (ვრცელდება თანამშრომლებზე) - ითვალისწინებს მისი მემკვიდრისათვის დაზღვეულის პოლისში მითითებული ფიქსირებული თანხის ანაზღაურებას დაზღვევის სტანდარტული პირობების შესაბამისად

2.9.3. აუცილებელი პირობა:

- 2.9.1 და 2.9.2 პუნქტებში ჩამოთვლილ ყველა სამედიცინო მომსახურებაზე ვრცელდება თავისუფალი არჩევანის პრინციპი (მათ შორის სტომატოლოგიაზე, გარდა ორთოდონტიული და ორთოპედიული სტომატოლოგიისა)
- პრეტენტენტს უნდა გააჩნდეს პროვაიდერი კლინიკები ქ. ბათუმში, ქ. ქუთაისში და ქ. თბილისში.
- დაზღვევა უნდა გავრცელდეს:
 - ა) დაზღვევამდე არსებული დაავადებების მკურნალობაზე.
 - ბ) ქრონიკული დაავადებების გამწვავების მკურნალობაზე.
- სადაზღვევო ანაზღაურების გაცემის გამარტივებული პროცედურა;
- სამედიცინო დაწესებულებების თავისუფალი არჩევანი;
- გამონაკლისების მითითება დეტალურად (რაც ანაზღაურებას არ ექვემდებარება)
- კლინიკების, მათ შორის ამბულატორიული და სტომატოლოგიური კლინიკა, არჩევის თავისუფლება. ასეთ შემთხვევაში ზარალის ანაზღაურება მოხდება მხოლოდ გადახდის დამადასტურებელი დოკუმენტის და ექიმის მიერ დამოწმებული დოკუმენტის სადაზღვევო კომპანიისათვის წარდგენის საფუძველზე. ზარალის ანაზღაურება (არაპროვაიდერი კლინიკის არჩევის შემთხვევაში) უნდა მოხდეს შემდეგნაირად:
 - 200 ლარამდე – დოკუმენტების სადაზღვევო კომპანიაში წარდგენის დღესვე;
 - 200 ლარის ზევით – დოკუმენტების სადაზღვევო კომპანიაში წარდგენიდან არაუგვიანეს 5 სამუშაო დღისა;
- დაზღვეული მზღვეველის პროვაიდერ კლინიკაში იხდის მომსახურების ღირებულებას, მხოლოდ ბარათით განსაზღვრულ თანაგადახდის წილს, დანარჩენი თანხის გადახდა ხდება მზღვეველის მიერ პირდაპირ სამედიცინო დაწესებულებაში.
- სადაზღვევო მომსახურების მიღებისა და ანაზღაურების გაცემის პირობები:

1) დაზღვეული წინასწარი სატელეფონო შეტყობინების მეშვეობით ისარგებლებს ყველა იმ სამედიცინო მომსახურებით, რაც განსაზღვრულია სადაზღვევო პაკეტის პირობებით;

2) გეგმიური ჰოსპიტალიზაციის შემთხვევაში და გეგმიური საკეისრო კვეთის შემთხვევაში, დაზღვეული მინიმუმ 3 (სამი) სამუშაო დღით ადრე წარადგენს საჭირო სამედიცინო და ფინანსური დოკუმენტაციას, რის საფუძველზეც თვისუფალი შერჩევის პრინციპით ისარგებლებს შესაბამის სტაციონარული მომსახურებით.

2.9.4. ამავე დროს მზღვეველმა უნდა წარმოადგინოს დაზღვეულთა ოჯახის წევრთათვის (მეუღლე და შვილები 0-25 წლამდე) შემუშავებული 2 სახის სადაზღვევო პაკეტი, იგივე პირობებით:

1) ყოველთვიური სადაზღვევო პრემია ოჯახის ერთი წევრის ინდივიდუალური ბარათისათვის უნდა შეადგენდეს ყოველთვიური თანამშრომლის სადაზღვევო პაკეტის პრემიის 90%-ს, ხოლო ყველა ოჯახის წევრთა სადაზღვევო პაკეტისათვის პრემიის გამოთვლა მოხდეს 2.5 კოეფიციენტზე გადამრავლებით, ყველა ოჯახის წევრთა დაზღვევის შეთავაზება უნდა იყოს იგივე სადაზღვევო პირობებით, რაც გასაზღვრული იქნება თანამშრომლისათვის.

2) ოჯახის ყველა წევრთა სადაზღვევო პრემია უნდა იყოს ლიმიტირებული თანამშრომლის სადაზღვევო პაკეტის პირობებით და არ უნდა აღემატებოდეს თანამშრომლის სადაზღვევო პრემიას.

შენიშვნა: აღნიშნულ შენატანს დაფარავს თავად დაზღვეული და არა საქართველოს კონტროლის პალატა. ამასთან, საოჯახო პაკეტის შემთხვევაში სადაზღვევო კომპანიასა და დაზღვეულებს შორის გაფორმდება ინდივიდუალური ხელშეკრულებები.

2.9.5 დასაშვებია, რომ მზღვეველმა არ აანაზღაუროს (გამონაკლისები):

ა) ქრონიკული დაავადებების, რომელიც მხოლოდ მოიცავს: შაქრიანი და უშაქრო დიაბეტი, ქრონიკული ჰეპატიტ(ებ)ი, თირკმლის ქრონიკული უკმარისობა, მკურნალობისა და მათი გართულებების ხარჯები, გამწვავების პერიოდის გარდა;

ბ) სხეულის განზრახ თვითდაზიანებით გამოწვეულ დაავადებათა მკურნალობის ხარჯები; იმ შემთხვევებით გამოწვეული დაავადებების მკურნალობის ხარჯებს, როდესაც დაზღვეული განზრახ იგდებს თავს საფრთხეში, გარდა იმ შემთხვევებისა როდესაც ის მოქმედებს სხვისი სიცოცხლის გადარჩენის მიზნით;

გ) თვითმკურნალობის ხარჯები;

დ) არატრადიციული მედიცინის (აკუპუნქტურა, ჰომეოპათია, მანუალური თერაპია, სუჯოკთერაპია და ა.შ.) ხარჯები;

ე) ბიოლოგიურად აქტიური ან/და კვებითი დანამატების, პირადი ჰიგიენის ან/და მოვლის საშუალებების შეძენასთან დაკავშირებულ ხარჯები;

ვ) არასამედიცინო ჩვენებით განპირობებული მომსახურების ხარჯები.

ზ) პროფესიული და სარისკო სპორტის სახეობებში მონაწილეობით გამოწვეული დაავადებების მკურნალობის ხარჯები;

თ) ალკოჰოლიზმთან, ნარკომანიასა და ტოქსიკომანიასთან დაკავშირებულ ხარჯები;

ი) ალკოჰოლური, ნარკოტიკული, ტოქსიკური ან ფსიქოტროპული ნივთიერებ(ებ)ის ზემოქმედების ქვეშ სატრანსპორტო საშუალების მართვისას მომხდარი ავტოსაგზაო შემთხვევით გამოწვეული დაავადებების მკურნალობის ხარჯები;

კ) ეგზოპროთეზებთან და მაკორეგირებელი დანიშნულების სამედიცინო მოწყობილობებთან, ორგანოთა ტრანსპლანტაციასთან დაკავშირებულ ხარჯები, ოპერაციული და არაოპერაციული ჩარევის დროს; მხედველობის კორექციასთან დაკავშირებულ ხარჯები, მათ შორის ექსიმერ-ლაზერით ჩატარებული მკურნალობის ხარჯები; სათვალეების, ლინზებისა და სმენის აპარატის შეძენასთან დაკავშირებულ ხარჯები;

კ) ვაკცინაციის და იმუნიზაციის ხარჯები (გარდა პროგრამით გათვალისწინებულისა); თანდაყოლილი და

გენეტიკური დაავადებების მკურნალობის ხარჯები; კოსმეტიკური მკურნალობის, პლასტიკური ქირურგიის ხარჯები; წონის კორექციასთან დაკავშირებულ ხარჯები;

ლ) უნაყოფობის, იმპოტენციის დიაგნოსტიკის და მკურნალობის ხარჯები; სახელმწიფო პროგრამით დაფინანსებული ორსულობის ხარჯები, (სახელმწიფო დაფინანსების ფარგლებში) აბორტის ხარჯებს;

მ) კონტრაცეფციის, ხელოვნური განაყოფიერების, რეპროდუქტოლოგიის ხარჯები;

ნ) უპირატესად სქესობრივი გზით გადამდები დაავადებების მკურნალობის ხარჯები;

ო) ფსიქიური დაავადებების, სარეაბილიტაციო მკურნალობის, მასაჟისა და ფსიქოთერაპიის მომსახურების ხარჯები;

პ) სამედიცინო ხარჯები, გაწეულს შიდსის და ვირუსული ჰეპატიტების მკურნალობისას;

ჟ) მკურნალობის ხარჯებს, რომელიც საჭირო გახდა დაზღვეულის აჯანყებაში, სამოქალაქო არეულობაში ან კრიმინალურ ქმედებაში მონაწილეობის შედეგად; აგრეთვე თავისუფლების აღკვეთის პერიოდში გაწეული სამედიცინო მომსახურების ხარჯები;

გამონაკლისად არ ჩაითვლება:

დაავადებათა ჯგუფი, რომელიც მიეკუთვნება გამონაკლისებს და გამოწვეულია ტრავმული ან თერმული დაზიანებით, სხვა უბედური შემთხვევით და წარმოადგენს მათ შემდგომ სამედიცინო მდგომარეობებს და გართულებებს. ასეთ შემთხვევების სამედიცინო მომსახურების ხარჯები დაიფარება გეგმური სტაციონარული ამ ქრონიკული ამბულატორიული მომსახურების ლიმიტებიდან. ზემოხსენებული უბედური შემთხვევები არ უნდა იყოს დაკავშირებული სამსახურებრივი მოვალეობის შესრულებასთან.

შარდსასქესო სისტემის არასქესობრივი გზით გადამდები ინფექციური (მათ შორის სოკოვანი) დაავადებები. მწვავე შემთხვევებში მათი პირველადი დიაგნოსტიკისა და მკურნალობის ხარჯები იფარება ამბულატორიული მომსახურების, ხოლო ქრონიკულად მიმდინარეობის შემთხვევაში „ქრონიკულად მიმდინარე დაავადების ამბულატორიული მომსახურება და მედიკამენტები მედიკამენტოზური მკურნალობის ხარჯები“-დან.

2.10. გასაწევი მომსახურების ხარჯთაღრიცხვა

2.10.1. პრეტენდენტმა უნდა წარმოადგინოს გასაწევი მომსახურების ხარჯთაღრიცხვა დანართი №4-ის მიხედვით.

2.10.2 სატენდერო წინადადებაში საერთო ფასი გამოსახული უნდა იყოს საქართველოს

კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით .

2.11. მომსახურების გაწევის ვადები :

2.11.1. მომსახურების გაწევა უნდა განხორციელდეს 2012 წლის 01 იანვრიდან- 2012 წლის 31 დეკემბრის 24:00 საათის ჩათვლით.

2.12. დამატებითი მოთხოვნები

ა) სატენდერო წინადადება, აგრეთვე ამ წინადადებასთან დაკავშირებული შემსყიდველს და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე;

ბ) პრეტენდენტის სატენდერო წინადადება უნდა შეიცავდეს შემდეგ ინფორმაციას:

- რეკვიზიტები

- გასაწევი მომსახურების ღირებულება

- სადაზღვევო საქმიანობის ლიცენზიის ასლი

- გასაწევი მომსახურების ჩამონათვალი

გ) სატენდერო წინადადების საერთო და ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

შენიშვნა:

-ამ პუნქტის „ბ“ ქვეპუნქტით გათვალისწინებული ყველა ინფორმაცია წარმოადგენს პრეტენდენტის სატენდერო წინადადებას, რომელიც უნდა აიტვირთოს სახელმწიფო შესყიდვების ერთიან ელექტრონულ სისტემაში პრეტენდენტის მიერ სატენდერო წინადადების შეთავაზებისას.

დ) პრეტენდენტის მიერ წამოდგენილი (ერთიან ელექტრონულ სისტემაში ატვირთული) ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

**3. სახელმწიფო შესყიდვის ხელშეკრულების პროექტი
/ხელშეკრულების პირობები დაზუსტდება გამარჯვებულ კომპანიასთან/**

**ხელშეკრულება №
სახელმწიფო შესყიდვის შესახებ**

სახელმწიფო შესყიდვების კანონის და სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად,

წინამდებარე ხელშეკრულება დადებულია “-----” ----- 2012 წ. თბილისი.

ერთის მხრივ, **საქართველოს კონტროლის პალატასა**, წარმოდგენილი მისი თავმჯდომარის მოადგილის გიორგი ლაცაბიძის სახით (შემდგომში შემსყიდველი)

მისამართი: ქ. თბილისი, წმინდა ქეთევან დედოფლის (ყოფილი წამებულის) გამზირი №96

საიდენტიფიკაციო კოდი: 202051956

სახელმწიფო სახაზინო კოდი: 220101222 ა/ა 200122900

და მეორეს მხრივ, პრეტენდენტის (მისი დასახელება) მისი ხელმძღვანელის სახით (შემდგომში მიმწოდებელი),

მისამართი:

საიდენტიფიკაციო კოდი:

საბანკო რეკვიზიტები:

შორის

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

მუხლი 2 ხელშეკრულების საგანი

- 2.1. გამარჯვებულმა კომპანიამ უნდა უზრუნველყოს 250 თანამშრომლის სადაზღვევო მომსახურების გაწევა.
(CPV).
- 2.2. ხელშეკრულებით გათვალისწინებული შესყიდვის ობიექტის აღწერა მოცემულია სატენდერო დოკუმენტაციაში.
- 2.3. პრეტენდენტის მიერ წარმოდგენილი სატენდერო წინადადება და სატენდერო წინადადებაზე თანდართული ყველა სხვა დოკუმენტები ქმნიან მოცემულ ხელშეკრულებას და ითვლებიან მის განუყოფელ ნაწილად, კერძოდ:
 - ა) წინამდებარე ხელშეკრულება;
 - ბ)

მუხლი 3. ხელშეკრულების ღირებულება

- 1.6. ხელშეკრულების ჯამური ღირებულება შეადგენს _____ლარს.
- 1.7. ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის

ობიექტის მიწოდებასთან დაკავშირებულ მიმწოდებლის ყველა ხარჯს.

მუხლი 4. მომსახურების მიწოდების ვადები და ადგილი

- 4.1 მიმწოდებელმა წინამდებარე ხელშეკრულებით გათვალისწინებული შესყიდვის ობიექტის მიწოდება უნდა განახორციელოს ხელშეკრულების გაფორმებიდან 2012 წლის 31 დეკემბრის ჩათვლით.
- 4.2 შესყიდვის ობიექტის მიწოდების ადგილია: ქ. თბილისი, წმინდა ქეთევან დედოფლის (ყოფილი ქეთევან წამებულის) გამზირი №96.

მუხლი 5. მომსახურების ხარისხი და გარანტია

- 5.1 მიმწოდებელი იძლევა გარანტიას, რომ გაწეული მომსახურება იქნება ხარისხიანი.
- 5.2. მიმწოდებელი ვალდებულია შეტყობინების მიღებისთანავე განახორციელოს წუნდებული მომსახურების შეცვლა შემსყიდველის მხრიდან რაიმე დამატებითი დანახარჯის გაწევის გარეშე.
- 5.3. მიმწოდებლის მიერ 5.2 პუნქტით გათვალისწინებული ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოშობილი ხარვეზების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

მუხლი 6. ხელშეკრულების შესრულების კონტროლი

- 6.1. შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელონ კონტროლი (ინსპექტირება) მიმწოდებლის მიერ ნაკისრი ვალდებულებების შესრულებაზე, მათ შორის მომსახურების ხარისხის პერიოდული ინსპექტირება.
- 6.2. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 7. შესყიდვის ობიექტის მიღება-ჩაბარების წესი

- 7.1. შესყიდვის ობიექტის მიღება-ჩაბარება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.
- 7.2. საქონელი, ან მისი ნაწილი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 7.3. საქონლის (მისი ნაწილის) მიღების შემდეგ ან/და საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
- 7.4. შემსყიდველი ვალდებულია დროულად აცნობოს მიმწოდებელს საბოლოო შემოწმების შედეგები დაწუნებული საქონლის წუნდების მიზეზის მითითებით.

მუხლი 8. ანგარიშსწორება

- 8.1. ანგარიშსწორება მიმწოდებელთან განხორციელდება მომსახურების, ან მისი ნაწილის მიწოდების შემდეგ 10 (ათი) სამუშაო დღის განმავლობაში, მიღება-ჩაბარების აქტის გაფორმების, ინვოისისა და ანგარიშგაქტურის წარდგენის საფუძველზე.
- 8.2. ანგარიშსწორება განხორციელდება უნაღდო ანგარიშსწორების ფორმით.
- 8.3. ანგარიშსწორება განხორციელდება ლარებში. სახელმწიფო შესყიდვის დაფინანსების წყაროა: სახელმწიფო ბიუჯეტი;
- 8.4. საავანსო ანგარიშსწორება არ გამოიყენება.

მუხლი 9. ფასები

- 9.1. ხელშეკრულებაში განსაზღვრული ფასის ცვლილება დასაშვებია მხოლოდ საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში (დაუშვებელია

სახელმწიფო შესყიდვების შესახებ ხელშეკრულების ჯამური ღირებულების 10 %-ზე მეტი ოდენობით გაზრდა).

9.2. ფასების ცვლილების შესახებ ხელშეკრულების მხარემ უნდა შეატყობინოს მეორე მხარეს წერილობით, რომელიც თავის მხრივ უფლებამოსილია არ დაეთანხმოს აღნიშნულ ცვლილებას.

მუხლი 10. ფორს-მაჟორი

- 10.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;
- 10.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით;
- 10.3. ფორს-მაჟორული გარემოების დადგომის შემთხვევაში მხარემ, რომლისათვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

მუხლი 11. მხარეთა ურთიერთობა

- 11.1. ნებისმიერი ოფიციალური შეტყობინება მხარეთა შორის უნდა ატარებდეს წერილობით ფორმას;
- 11.2. შეტყობინება ძალაში შედის ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, ამ თარიღიდან რომელიც უფრო გვიან დგება.

მუხლი 12. მხარეთა უფლება-მოვალეობები.

- 12.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას ხელშეკრულებით გათვალისწინებული საქონელი;
- 12.2. შემსყიდველი ვალდებულია გადაუხადოს მიმწოდებელს ხელშეკრულების ფასი ხელშეკრულებით გათვალისწინებული პირობების შესაბამისად;
- 12.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს ხელშეკრულებით გათვალისწინებული საქონელი;
- 12.4. მიმწოდებელს უფლება აქვს მიწოდებული საქონლის სანაცვლოდ მიიღოს ხელშეკრულებით გათვალისწინებული ფასი.

მუხლი 13. მხარეთა პასუხისმგებლობა ხელშეკრულების პირობების შეუსრულებლობისათვის

- 13.1. მხარეები პასუხს აგებენ ერთმანეთის წინაშე მათ მიერ ამ ხელშეკრულებით ნაკისრი ვალდებულებების შეუსრულებლობისთვის ან არაჯეროვნად შესრულებისთვის;
- 13.2. თუ ერთ-ერთი მხარე არ ასრულებს ან არაჯეროვნად ასრულებს ნაკისრ ვალდებულებას, მეორე მხარე უფლებამოსილია წერილობითი ფორმით გააფრთხილოს იგი შესრულოს ხელშეკრულების პირობები;
- 13.3. ხელშეკრულების ერთი მხარის მიერ ვალდებულებების კვლავ შეუსრულებლობის ან არაჯეროვნად შესრულების შემთხვევაში, მეორე მხარეს, შესაბამისი გაფრთხილების გაგზავნისა და დამატებით განსაზღვრული ვადის უშედეგოდ გასვლის შემდეგ, უფლება აქვს ცალმხრივად ვადამდე შეწყვიტოს ხელშეკრულება და მოითხოვოს პირგასამტეხლოს ანაზღაურება.
- 13.4. წინამდებრე ხელშეკრულების პირობების დარღვევის შემთხვევაში, მიმწოდებელი კისრულობს პასუხისმგებლობას: გადაუხადოს შემსყიდველს პირგასამტეხლო, მთლიანი სახელშეკრულებო თანხის 0.1% პროცენტის ოდენობით.
- 13.5. შემსყიდველი პასუხისმგებლობას კისრულობს, ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს ვადაგადაცილებული თანხის 0.1 პროცენტი.

13.6. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

მუხლი 14. გადასახადები და ბაჟები

მიმწოდებელი პასუხს აგებს შესყიდვეის ობიექტის მოწოდებასთან დაკავშირებული ყველა იმ გადასახადის, დაბეგვრის თანხის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში

მუხლი 15. ხელშეკრულების ძალაში შესვლა და მოქმედების ვადები

ხელშეკრულება ძალაში შედის მისი ხელმოწერის დღიდან და მოქმედებს 2012 წლის 31 დეკემბრის ჩათვლით.

მუხლი 16. ხელშეკრულებაში ცვლილებების შეტანა

16.1. არანაირი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.

16.2. ხელშეკრულების პირობების ნებისმიერი ცვლილება უნდა გაფორმდეს დანართის სახით, რომელიც ჩაითვლება ხელშეკრულების განუყოფელ ნაწილად.

მუხლი 17. ხელშეკრულების შესრულების გარანტია

17.1. ხელშეკრულებაში შესრულების უზრუნველყოფად გამოყენებულია მიმწოდებლის მიერ წარმოდგენილი საბანკო გარანტია (შემდგომში „საბანკო გარანტია“) მთლიანი სახელშეკრულებო თანხის 2 (ორი) პროცენტის ოდენობით, რომლის ვადა 30 (ოცდაათი) დღით აღემატება, ხელშეკრულების მოქმედების ვადას.

17.2. საბანკო გარანტია მიმწოდებელს დაუბრუნდება:

17.2.1. მიმწოდებლის მიერ ხელშეკრულებით ნაკისრი ვალდებულებების სრულად შესრულებისას;

17.2.2. ხელშეკრულების 18.1. და 18.3 პუნქტით გათვალისწინებულ შემთხვევებში ხელშეკრულების ვადამდე შეწყვეტისას.

17.2.3. საქართველოს კანონმდებლობით განსაზღვრულ შემთხვევებში.

მუხლი 18. ხელშეკრულების შეწყვეტა

18.1. ხელშეკრულება შეიძლება შეწყდეს:

ა) მხარეთა წერილობითი შეთანხმებით;

ბ) ხელშეკრულების ვადის გასვლის გამო;

18.2. შემსყიდველი უფლებამოსილია, ცალმხრივად შეწყვიტოს ხელშეკრულება, თუ მიმწოდებლის მიერ, დარღვეული იქნება მოპმსახურების გაწევის ვადები 10 დღის განმავლობაში.

18.3. შემსყიდველის მიერ 10 დღით ადრე წერილობითი შეტყობინების საფუძველზე.

18.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

მუხლი 19. დავათა განხილვის წესი

19.1. მხარეები შეეცდებიან ურთიერთმოლაპარაკების საფუძველზე გადაჭრან წინამდებარე ხელშეკრულებასთან დაკავშირებით წამოჭრილი დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.

მუხლი 20. დამატებითი პირობები

20.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

20.2. შემსყიდველი უფლებამოსილია მოშალოს ეს ხელშეკრულება ცალმხრივად დადგენილი პირობებით, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან სხვა მოქმედი კანონმდებლობით გათვალისწინებულ შემთხვევაში.

20.3. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე

ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

20.4. ხელშეკრულება შედგენილია ქართულ ენაზე, ორ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ერთი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

მხარეთა ხელმოწერები:

შემსყიდველის მხრიდან:

მიმწოდებლის მხრიდან:

გიორგი ლაცაბიძე _____

საქართველოს კონტროლის პალატის
თავმჯდომარის მოადგილე

დირექტორი

ბ.ა.

ბ.ა.

4. დამატებითი ინფორმაცია :

4.1. სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში. ქ. თბილისი, ქ. წამებულის გამზირი № 96, საკონტაქტო პირი: ნუცა ჩოხელი. ტელ : +995 (32) 2438146;

აფიდავიტის ფორმა

აფიდავიტი

სატენდერო წინადადების დამოუკიდებლად განსახილვერის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად, ასევე გაუასტურებ, რომ:

* ჩემთვის ცნობილია, რომ სატენდერო წინადადება დასკვალადიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ცალბედიანი/დაცრუ;

* უფლებამოსილი ვარ პრეტენდენტის მხარე, ხელი მოვაწერე ამ აფიდავიტს და წარვადგინე ეს სატენდერო წინადადება;

* ნებისმიერ პირს, რომლის ხელმოწერაც დადიქსარებულია სატენდერო წინადადებაზე, შესაბამისად უფლებამოსილია პრეტენდენტის მხარე;

* ჩემთვის ცნობილია, რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამოჩენის ან უპირატესობის მატების მიზნით პრეტენდენტმა და კონკურენტს შორის არ წარმოგებულია კონსულტაცია, კომუნიკაცია, შეთანხმება ან მოლაპარაკება მძიმე საკითხებთან დაკავშირებით;

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან ხარჯგებისგან თავის შეკავება;
- ასეთი სატენდერო წინადადების განმარტების წარდგენა, რომელიც არ აკმაყოფილებს გამოცხადებულ ტენდერის პირობებს;
- შესყიდვის აბონეტის ხარისხი, მოცულობა, ტექნიკური პარამეტრები ან მასალების დეტალები, რომელთაც ესება სარეზერვო ხიხადიდები;

* სატენდერო წინადადების პირობები პრეტენდენტს წინასწარი განხილვით, პირდაპირ ან არაპირდაპირ, არ გაუშვლავხები ან/და არ გაუშვლავხებს კონკურენტს სატენდერო წინადადებით კახსაგაროების შოშებამდე.

გავცანა ამ აფიდავიტის მიზანშეწონი და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების ძიხებისათვის, აფიდავიტი ხარშოდგენს სატენდერო წინადადების დამოუკიდებლად განსახილვერის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციის და გარემოებების უტყუარობას და სატენდერო კანონმდებლობით დადგენილი წესათ პასუხს აგებს აღნიშნული ინფორმაციის და გარემოებების უტყუარობაზე. აფიდავიტით განსახილვერული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

რეკვიზიტები :

პრეტენდენტის იურიდიული ფორმა და დასახელება :

ხელმძღვანელის სახელი და გვარი :

პრეტენდენტის იურიდიული ან/ და ფაქტიური მისამართი :

საიდენტიფიკაციო კოდი :

პრეტენდენტის ტელეფონის ნომერი :

ელექტრონული მისამართი

ბანკის კოდი :

ანგარიშსწორების ანგარიში :

1. სახელმწიფო შესყიდვების ერთი ან ელექტრონულ სისტემაში შემოთავაზებული სატენდერო წინადადების ფასი :
2. ხელშეკრულების უზრუნველყოფის საბანო გარანტიის ოდენობა პროცენტულად :
3. სატენდერო წინადადების მოქმედების ვადა :

(სახელმწიფო შესყიდვების ერთიან ელექტრონულ სისტემაში წინადადებების მიღების დაწყებიდან არა ნაკლებ 30 კალენდარული დღე)

ვადასტურებთ, რომ გაცნობილნი ვართ „სახელმწიფო შესყიდვების შესახებ“ საქართველოს კანონს, სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესს“ და ტენდერის მსვლელობის დროს ვიმოქმედებთ დადგენილი წესების და ნორმების ფარგლებში.

ხელშეკრულების შესრულების საგარანტიო უზრუნველყოფა

(საბანკო გარანტია)

ვის: _____

(შემსყიდველის დასახელება)

მხედველობაში ვიღებთ რა, რომ _____

(მიმწოდებლის დასახელება)

შემდგომში “მიმწოდებელმა” _____ ტენდერში წარდგენილი თავისი

(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე

(თანხა ციფრებით)

(თანხა სიტყვებით)

და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.

წინამდებარე გარანტია ძალაშია მიმწოდებლის მიერ ხელშეკრულების პირობების შესრულების საბოლოოდ დამთავრებამდე.

გარანტების ხელმოწერა და ბეჭედი

(თარიღი)

(მისამართი)

ფ ა ს ე ბ ი ს ც ხ რ ი ლ ი

№	მომსახურების აღწერილობა	რაოდენობა	ერთეულის ფასი	საერთო ღირებულება
1	2	3	4	5

შენიშვნა: გამარჯვებულმა კომპანიამ, შემსყიდველის მოთხოვნის შესაბამისად, ვაჭრობის დამატებითი რაუნდების შედეგად დაფიქსირებული საბოლოო ფასის შესაბამისი (ასეთის არსებობის შემთხვევაში) ფასების ცხრილი უნდა წარმოადგინოს, ზემოაღნიშნული ფასების ცხრილის მიხედვით.